


大清會典

戶部



大清會典

戶部



雲南清吏司郎中滿洲二人漢一人員外郎滿洲三人漢一人主事滿洲一人漢一人

掌覈雲南省布政司糧儲道之錢糧稽其廠課

滇省有銅廠銀廠金廠鉛廠錫廠鐵廠課金每年抽收搭解戶部交納課銀按通省總額視各廠衰旺情形通融撥補覈實報解不必分廠報算凡銅課銀課鉛課錫課鐵課銀兩俱造入季

冊內報撥銅廠由專管道府赴布政司支領工本銀兩轉給廠員經放爐戶辦銅上月發本下月收銅按季造具支收款冊送部查覈每出銅一百斤抽課十斤官買八十斤通商十斤給與廠民為易換鹽米之資又按每百斤抽收歸公銅三斤廠員養廉銅一斤俱按廠價變解司庫路耗銅一斤以一半准銷路上折耗其耗不盡之銅歸入銅廠報銷又每三百五十斤抽收捐銅一斤為金沙江歲修之費統於一年限內覈計獲銅多寡分數造報考成清冊具題州縣為經管道府為專管藩司為總理巡撫為主政分別議敘議處如係知府直隸州專管之廠道員有督催稽考之責一併增入考成凡廠勢豐旺多於舊額者據實報增或礦砂衰薄不能足額

者具報上司委員勘查或應減額封閉俱於考成案內題報凡年久礦薄之廠令其多覓子廠開採以補母廠之不足所獲銅除照額交官外聽其自售不拘一成通商之例凡放給工本銀每百兩扣市平一兩貯司如廠民工本短欠查明有著之項向各爐戶勒追追不足數即令廠員賠繳實係廠勢衰薄爐戶貧絕無著之項准以扣存市平銀撥補外其餘督撫奏明請

旨加
恩豁免

凡漕政皆掌之

○漕於

京師凡八道

山東糧道督理濟南府泰安府武定府兗州府曹州府東昌府濟寧州臨

清州漕糧。河南糧道。督理開封府歸德府彰德府
衛輝府懷慶府河南府陳州府許州陝州汝州漕
糧。江安糧道。督理江寧府安慶府寧國府池州府
太平府廬州府鳳陽府淮安府揚州府徐州府潁
州府六安州泗州海州通州漕糧。蘇松糧道。督理
蘇州府松江府常州府鎮江府太倉州漕糧。白糧
浙江糧道。督理杭州府嘉興府湖州府漕糧。白
糧。江西糧道。督理南昌府瑞州府臨江府吉安
府撫州府建昌府廣信府饒州府南康府贛州
府寧都州漕糧。湖北糧道。督理武昌府漢陽府
黃州府安陸府德安府荊州府漕糧。湖南糧
道。督理長沙府衡州府岳州府澧州漕糧。其

運由江達淮。截河徑泗。洗汶之水。沿衛沂路。

以抵於通壩。

南漕涉大江入運口。一由儀徵。一由瓜洲。並會於江都縣南之三汊。

河二十五里。逕揚州府城。一百里。逕高郵州城。西岸界槐子邵伯高郵等湖。東岸隣芒稻河艾陵湖荇絲湖。洩水有車邏昭關金灣等閘壩。八十里。逕寶應縣城。西岸界寶應界首等湖。東岸隣廣洋湖馬家蕩。洩水有雙龍黃浦等閘。九十五里。至淮安府山陽縣北淮關盤糧廳。四十五里。逕清江浦。過龍王福興通濟惠濟等閘。出清口。黃河自邳州東南流。淮水自泗州過洪澤湖東北流。會於清口。是為清黃交匯之處。糧運出口。越甘羅城。順流過惠濟祠西北。從楊莊進運口。入下中河。三十五里。逕宿遷縣北境。入上中河。一百十三里。至中河口。北隣黃河。南界駱馬

湖。湖上承白馬芙蓉諸湖之水。南流有竹篾王家溝等閘。與運河通。舊謂十字河。四十里。逕邳州北境。入沭河。水有東西兩源。東沭出山東費縣箕山。東南流逕蘭山縣西。西沭出嶧縣抱犢山。南流至三合村。與東沭合流。至邳州西北入運河。百里至黃林莊。入山東嶧縣境。沂水支流自徐塘口入沭河。一百六十里至沛縣夏鎮閘。兩岸受濟運諸泉凡九。會丞水出針溝口者三。泉。出侯遷萬年等閘者四。泉。注微山湖出湖口閘者二。泉。由夏鎮閘入新河。一百十四里至魚臺縣境。南陽閘。東岸受濟運諸泉凡五十四。會薛河出彭口新支河者三。泉。出修永閘者五。泉。出鮎魚涎等口者三。泉。會南梁河出滿家口者九。泉。會北沙河出王家口者六。泉。注獨山湖出

張家口趙家口者十二。泉。注新河出棗林閘者九。泉。由南陽閘入會通河。二十四里至師莊閘。泗水自東岸入運河。水四源。並出泗水縣陪尾山。西南流經曲阜縣北。又逕滋陽縣城西。金壩口。分為二。支流西入沭河。經流會沂河白馬河。出魯橋入運河。受濟運諸泉凡一百十八。會泗水出魯橋者八十二。泉。會沂河入泗者二十一。泉。會白馬河入泗者十四。泉。出南陽閘者一。泉。四十九里至濟寧州城西。天井閘。沭水自東北來入運河。水本汶河南出之支流。出寧陽縣堽城壩。西南流經滋陽縣西。會漕水。南流合泗水。支流逕濟寧州城北。分為二。北支入馬場湖。南流由會通橋入運河。受濟運諸泉凡三十二。會漕水入沭者十一。泉。會泗水支流入沭者二十

泉。出通濟橋者一泉。八十里至汶上縣西南柳林間。迤北為分水口。汶水自北來入運河。水源一出萊蕪縣原山。西南流經泰安縣南故縣鎮。一出泰山仙臺嶺東南流經故縣鎮。二水合流西南會牟汶。羸汶。塹汶。小汶。衡魚河。席橋河諸水。至此出口分濟運道。四分南流出柳林間。合於泗沂。六分北流出十里間。合於漳衛。受濟運諸泉凡二百十二。會汶水出分水口者五十一。泉。會小汶入汶者五十九泉。會牟汶羸汶入汶者三十九泉。會塹汶入汶者十六泉。由衡魚河席橋河入汶者四十七泉。一百十六里至東平州戴家廟間。東隣蜀山馬踏湖。放水有利運等間。西隣南旺湖安山湖。洩水有焦鸞等斗門。關家等閘。進水有安濟等口。二百五十七里至臨

清州城東南板閘。西岸通黃河故道趙王河沙河。進水有新建等涵洞。龍灣等閘。東岸通大清河。馬頰河徒駭河。減水有一空二空等橋。臨清州城西。衛河自西南來入運河。水源出河南輝縣蘇門山。東北流會淇水漳水。過臨漳水分為二。北流入滹沱河。東流經大名府東。又東北流至此與會通河合。北流。是為南運河。由南板閘入衛河。三百五十里至德州桑園鎮。東岸恩縣境。四女寺鎮。與老黃河通。洩水有減水壩。又德州城外哨馬營。洩水有滾水壩。由桑園鎮北入直隸吳橋縣境。四百五十里至天津縣三岔口。東岸滄州靜海縣。洩水有二減水壩。西岸滹沱河。自青縣南。東北流入運河。天津縣三岔口北。潞河自北來與衛河會。是為北運河。水源出赤

城縣。流經邊牆外。入密雲縣西境。南流經通州城。東南流經故郝縣。入武清縣境。東岸筐兒港引河。洩水有減水閘。河西務引河。入七里海。洩水有青龍灣壩。又南流西會淀河。經天津城北。直沽。南會衛河。東入於海。漕運過津關。沂潞河北上。二百里至通州城東石土二壩。坐糧廳驗收。山東糧船。停泊運河。有漕州縣糧米。陸運至水次上船。泰安府兗州府曹州府東昌府濟寧州漕糧。在閘內兌運。濟南府武定府臨清州及東昌府之恩縣館陶縣冠縣漕糧。在閘外兌運。河南派運糧船。在衛輝府衛河水次受兌。東北經淇縣濬縣境。又東北經滑縣湯陰縣內黃縣。過臨漳。歷直隸大名府境。又東入山東館陶縣境。至臨清州南板閘。與山東漕船會。江南江安

糧道屬漕船。由各州縣水次開行。出江。歷安慶池州太平各府境。經西梁山之麓。由采石磯順流入江寧府之龍江關北二十里渡江。北至瓜步。又東北至北新河入儀徵運口。淮北淮南各州縣漕船。俱由淮入洪澤湖。經清河縣師家莊入運。徐州衛江北幫及長淮三四兩幫漕糧。由徐州剝船運至阜河。載上糧船。邳州沛縣糧船。俱出泗河。蘇松糧道屬糧船。由各州縣水次開行。出運河。自吳江縣西北塘河西行至蘇州府城閘門。松江府太倉州糧船。由婁江來會出。許暨關。北行會常州鎮江二府糧船。至京口閘渡江。北入瓜洲運口。浙江糧船。杭州府自省城北武林驛開行。過塘棲。歷湖州府德清縣境。東過北陸橋。歷石門桐鄉二縣境。經嘉興府城西。遶

北出杉青閘。會嘉興府糧船至王家涇。北為平望驛。東過鴛鴦湖。湖州府糧船入焉。又東北會於吳江縣之北塘河。江西糧船。自省城南浦驛大江開行。經揚子洲。歷星子都昌二縣境。入鄱陽湖。至湖口縣。出大江。經梅家洲。入彭澤縣境。經小孤山彭浪磯。入江南宿松東流二縣境。順流與安徽省漕船會。湖北糧船。由省城將臺驛大江開行。經小青山大青山馬家洲趙家磯道士狀營。入大冶縣境。經漳源塘菖蒲港。歷蘄水縣烏江廟迴風磯。入黃梅縣廣濟縣境。經魯肅港。余家涯。入江西德化縣界。與江西糧船會。湖南糧船。由岳州府巴陵縣洞庭湖口開行。經劉公磯蓮花塘。至臨湘縣境。經白螺楊林等磯。入湖北嘉魚縣沔陽州境。平江順流。經江安塘。王

家港。入江夏縣境。至湖北省城。與湖北漕船會。凡糧有正兌。漕糧原定運京倉者為正

兌。山東正兌米八萬三千五百十五石有奇。麥九千九百十五石有奇。豆八萬二千一百一十四石有奇。河南正兌米九千五百七十一石有奇。麥二萬四千六百五十二石七斗有奇。豆六萬七千九百九十二石有奇。江安正兌米二十八萬九千五百七十二石有奇。蘇松正兌米一百四萬三千二百五石有奇。江西正兌米三十五萬一千七百五十六石有奇。浙江正兌米六十二萬一千七百七十八石有奇。湖北正兌米九萬四千五百十六石有奇。湖南正兌米九萬五千五百五十二石有奇。有改兌。原定運通倉者為改兌。山東改兌米四萬二千九百六十六石有奇。麥九千三百九

十一石有奇。豆三萬一千八十二石有奇。河南改兌米九千六百四十九石有奇。麥一萬二千七百六十六石有奇。豆二萬八千二百三十五石有奇。江安改兌米十萬四千三百四十二石有奇。蘇松改兌米九萬五千二百七十七石有奇。江西改兌米十五萬一千九百五十五石有奇。浙江改兌米二萬九千三百六十五石有奇。湖北湖南無改兌米。又奉天錦縣寧遠州廣寧縣義州并牛莊共解京黑豆。有改徵。山東黑豆係粟米改四萬二千石有奇。徵。河南小麥黑豆亦係粟米改徵。其粟米改徵黑豆。並不定額。視京倉何項缺少。戶部倉場隨時奏明辦理。江蘇浙江二省有白糧改徵。有折徵。山東河南江蘇安徽湖北湖南六省。漕糧糯米改徵漕糧。

折徵漕糧三十六萬一千八十六石有奇。價銀統歸地丁算銷。河南離水次最遠之南陽府汝寧府光州汝州陝州各屬并河南府之嵩縣永寧縣每縣俱減徵漕米二十石。折徵銀每石八錢。易錢解司。分撥內黃縣濬縣滑縣儀封廳考城縣協辦本色米。永城縣鹿邑縣虞城縣夏邑縣柘城縣宜陽縣新安縣澠池縣淮寧縣西華縣商水縣項城縣沈邱縣臨潁縣襄城縣郟城縣陝州靈寶縣閿鄉縣應徵黑豆。每石折收銀八錢。在彰德府衛輝府懷慶府屬開封府之陽武縣封邱縣代徵本色黑豆。仍按每石八錢之例支銷。民折官辦漕糧。江蘇清河縣桃源縣宿遷縣阜寧縣海州并所屬之沭陽縣贛榆縣及太倉州所屬之嘉定縣寶山縣漕糧每年按十

月時價。動司道庫銀兩購買。十一月內照價起徵還款。安徽寧國縣旌德縣太平縣英山縣江
西瀘溪縣漕糧。每年開徵時。照價動公項銀兩。在水次購買。照價徵完歸款。浙江富陽縣於潛縣新城縣昌化縣零星小戶漕糧。按照十月時價。徵收折色。官為辦運。湖北通山縣當陽縣漕糧。在江夏縣嘉魚縣漢陽縣黃陂縣孝感縣雲夢縣應城縣餘剩漕耗米內撥運。民間以每石一兩四錢五分解銀交納。凡漕糧奉旨折徵之年。督撫按照定價題明辦理。山東河南二省。粟米每石徵銀五錢。江南浙江二省。粳米每石徵銀一兩。秬米每石徵銀七錢五分。令地方照數徵收。江蘇浙江二省。改折灰石米石。每石折徵銀一兩。有閏之年。江蘇徵銀三萬一千三

十一兩有奇。浙江徵銀二萬二千八百二十兩有奇。無閏之年。江蘇徵銀二萬六千七百四十六兩有奇。浙江徵銀二萬。有撥運。山東河南二省額徵薊州二千三百八十三兩有奇。

東陵官兵米五萬七千石。因改支折色。糧米停運。嗣因保定雄縣等處兵米改支本色。仍於東豫二省薊糧內。照數派撥。山東額徵薊糧米二萬八千五百石。撥運保定雄縣兵米六千三百七十一石有奇。密雲兵米一萬一千六百石。良鄉兵米五千六百五十五石。俸米三百六十六石。固安寶坻兵米一千一百五十五石。青州兵米二千七百七十七石。又德州兵米不敷亦准動支。河南額徵薊糧米二萬八千五百石。撥運保定雄縣兵米六千四百二十五石有奇。密

雲兵米一萬一千六百石。良鄉兵米五千六百五十石。俸米三百六十六石。固安寶坻兵米一千一百五十石。二省餘剩薊糧。如遇緩徵之年。准動放行月不敷米石。皆隨以漕

耗。漕糧加收隨漕耗米。為京通各倉並沿途折五升。河南加耗米二斗五升及二斗八升不等。俱隨正起交。江蘇江西浙江湖北湖南及江安屬之江寧府安慶府寧國府池州府太平府廬州府六安州。交耗米四斗。以一斗五升隨船作耗。餘隨正起交。淮安府揚州府鳳陽府潁州府通州海州泗州徐州府屬之邳州宿遷縣睢寧縣。交耗米三斗。以五升隨船作耗。餘隨正起交。徐州府屬之銅山縣豐縣沛縣蕭縣碭山縣加

耗米二斗五升。俱隨正起交。改兌正米一石。山東河南加耗米一斗七升。俱隨正起交。江蘇及江安屬之江寧府廬州府廣德州加耗米三斗。以一斗三升隨船作耗。餘隨正起交。江安屬之淮安府揚州府鳳陽府潁州府泗州及徐州府之邳州宿遷縣睢寧縣加耗米二斗五升。以八升隨船作耗。餘隨正起交。銅山縣豐縣沛縣蕭縣碭山縣加耗米二斗二升。以五升隨船作耗。餘隨正起交。江西浙江加耗米四斗。以二斗三升隨船作耗。一斗七升隨正起交。山東河南正兌改兌黑豆小漕費。漕費皆隨漕徵收。有贈貼麥與漕米同。漕費。銀米。為運軍長途輓運之費。有漕耗銀米。為官軍兌漕雜費。及州縣辦公之用。有輕齎易米折銀。委員解通為轉運腳價

之費。隨漕席片。為京通倉鋪墊苫蓋之用。松板
楞木。為京通倉鋪墊殿座之用。毛竹。為京通倉
編造氣筒之用。江南有水脚銀。為離省寫遠州
縣輓運舟車之費。江西有倉費銀。為縣省兩倉
修理之費。贈貼銀米。每正耗米一百石。山東河
南徵潤耗銀五兩。米五石。本色給丁。江安徽漕
贈銀五兩。米五石。蘇松徵漕贈銀十兩。米五石。
俱州縣變價每石以一兩九錢折給。浙江徵漕
截銀三十四兩七錢。江西徵貼運銀三兩。米三
石。內以十分之七州縣變價每石一兩九錢折
給。十分之三支給本色。留為回空食用。又徵副
耗米十三石。湖北湖南徵貼運米二十石。本色
給丁。漕耗銀米。山東每正耗糧一石。徵漕耗米
一斗五升。河南各屬每正耗糧一石。徵漕耗米

一斗五升。惟陽武縣封邱縣徵一斗。淇縣徵一
斗二升。溫縣徵一斗四升。俱給領運隨幫官銀
六釐。運軍銀三分。米五升五合。餘為州縣運米
不敷脚價。江安每正糧一石。徵漕耗米一斗。州
縣變價每石以一兩九錢全數給丁。蘇松每正
糧一石。徵漕耗銀六分。折收錢四十六文。全數
給丁。惟溧陽縣每漕糧一石。民貼湖米三升。為
軍船赴次剥淺修船之費。浙江各屬每正糧一
石。徵漕耗錢八文。至二十一文不等。仁和縣錢
塘縣海寧州富陽餘杭縣及湖州府屬加收
錢二十文。嘉興府屬加收錢三十文。俱全數給
丁。江西每正糧一石。徵收協濟運軍銀一分三
釐七毫。州縣脚耗銀三分九釐六毫。米七勺六
抄。湖北每正糧一石。徵漕耗米七升。漕費銀七

分。全數給丁。湖南每正耗米一石。徵漕耗米六升。漕費銀自四分四釐至一錢一分二釐不等。每兌米一石。給丁夫米三升。及各州縣運米船戶食米。運官飯食盤費。運丁京脚。州縣修倉之費。輕齋易米折銀。於耗米之外徵收。餘耗米折銀兩。正兌謂之輕齋銀。改兌謂之易米折銀。每正兌米一石。山東河南徵米一斗六升。江南徵米二斗六升。江西浙江湖北湖南徵米三斗六升。改兌。除山東河南及江安屬之銅山縣豐縣蕭縣沛縣碭山縣不徵米折銀外。蘇松江西浙江及江安餘屬。每改兌米一石。徵米二升。每石折徵銀五錢。隨漕席片。山東河南每正米一石。徵斜席一領。長六尺四寸。濶三尺六寸。江南江西浙江湖北湖南。每正米一石。徵方席一領。長

濶俱四尺八寸。應交席片。按十分算。以一分七釐徵收本色。八分三釐徵收折色。每領折徵銀一分。或一分有奇。應交本色。山東江安。徵收本色。給丁解交。河南蘇松江西浙江湖北湖南。俱徵銀給丁辦交。隨漕板木。江南江西浙江湖北湖南。每正兌米二千石。徵楞木一根。長一丈四尺九寸。圓二尺五分。松板九片。每片長六尺五寸。濶一尺三寸五分。厚五寸五分。江西湖北湖南。辦交本色。江南浙江。楞木每根折徵銀五錢。及五錢五分不等。松板每片折徵銀四錢。及四錢五分不等。隨糧交納。改兌米俱不徵楞木松板。山東河南及江安屬之淮安府揚州府徐州府廬州府鳳陽府潁州府六安州泗州海州通州。正兌米亦不徵楞木松板。帶運毛竹。江南江

西浙江湖北湖南漕船每船帶交大毛竹一根
中毛竹三根採辦價銀江西於道庫裁兵米折
項下動支湖北於南糧抵兌節省水脚項下動
支江南浙江湖南於道庫減存銀內動支江南
省州縣水脚銀江安屬之潛山縣太湖縣宿松
縣涇縣青陽縣合肥縣舒城縣壽州鳳臺縣宿
州舊虹縣阜陽縣亳州蒙城縣霍邱縣太和縣
六安州霍山縣建平縣每米一石加徵銀二三
分至五六分錢十餘文至四十餘文不等定遠
縣每米一石徵錢一百文蘇松屬每石徵錢五
文水次離倉遠者每石每十里加錢二文給由
倉上船脚價費江西倉費銀有漕州縣有縣省
兩倉者每米一石徵倉費銀四釐止有縣倉者
徵銀二釐均以十分之三留作歲修十分之七

解道以備大修其色有稻有稷有粟有麥有豆各因其

所產而供之

山東河南徵收粟米麥豆蘇松徵收粳米糯米江安徽收粳米稷米

私米粟米浙江徵收糯米粳米私米江西湖北湖南徵收稷米凡米色皆令顆粒圓淨乾潔不

准紅白兼收如實在水旱歉收之年不能一律圓潔者該省豫行奏明請旨白糧

則惟蘇松浙江供焉

蘇松浙江額徵白糧交內倉供用庫酒醋麵局光祿

寺王祿之用每米一百六十斤為一石白糧正米蘇松六萬九千二十五石浙江二萬九千九百七十五石白糧耗米蘇松二萬七百七石有奇又正耗米一石加春辦米二斗共春辦米一

萬七千九百四十六石有奇。浙江一萬三千四百八十八石有奇。又正耗米一石。加春辦米三斗。共春辦米一萬三千三十九石有奇。隨糧徵收經費銀米。蘇松銀六萬九百五十三兩有奇。盤用耗米一萬三千八百五石。運船水手飯米四千九百六十九石有奇。浙江銀二萬一千四百一兩有奇。行月本色米三千七百八十石。又白糧每正米一石。解由閘銀八分。為運米進倉脚價之用。白糧遇有荒缺。於本州縣現徵南米內。通融辦足起運。凡運船視其

江河之宜而別其製以時修船

漕船舊制。船身長七丈一尺。中

濶一丈四尺四寸。底長五丈二尺。兩康兩棧共深四尺四寸。天蓬高二尺八寸。江南浙江更定

漕船。身長八丈。中濶一丈五尺。底長五丈九尺。兩康兩棧共深六尺。天蓬高二尺八寸。江西湖北湖南更定漕船。身長九丈。中濶一丈六尺五寸。底長七丈。兩康兩棧共深六尺六寸。天蓬高二尺八寸。江西湖廣幫船體質較重。經歷江湖。每幫准帶三百石之剝船一隻。跟艄行走。成造漕船。漕運總督於過淮時。親加查驗。如有違式。私放寬大。旗丁治罪。道衛官叅處。凡糧船十年滿號。除驗明可以加修出運者。准其加修出運。其應行改造之船。糧道先期詳請豫備物料。原船到次。即刻興工。以副兌限。每船額給料價銀二百八兩七錢七分有奇。江南興武江淮二衛。加給鑽夫銀五十兩。底料銀五十一兩。除動支額編民七軍三銀兩外。不敷銀在餘丁協濟及

道庫減存銀內動支。於漕項冊內報銷。衛弁監造完竣之日。詳報糧道驗看烙印。驗以九法。一驗木。二驗板。三驗底。四驗梁。五驗棧。六驗釘。七驗縫。八驗艙。九驗頭梢。凡新造之船。運至五六年。及未至五六年。而有風火事故者。責令賠造。七、八年。而有事故者。責令買補。無故朽腐者。仍責令賠造。九年。而有事故。及朽腐者。責令催募。一次。以足十運。十運限滿。給價配造。惟山東自備船隻。祇令催募。並不賠造。凡滿號軍船。抵通交糧後。江西湖北湖南准留通變賣。每船扣變價銀六十兩。發交隨幫帶回。以資成造。江南浙江山東河南。仍令跟幫駕回。配料成造。每船每運給三修銀七兩五錢。到次之日。即行給發。修艙。惟初次出廠新船。及有事賠造之船。不給。如

回空遇煞。壩挑河。未經進口。即令於停泊處所修艙。山東省自備船隻。不給三修銀兩。於應領折色月糧。每船先發銀八兩。以資修艙。運丁則僉於衛所。運丁按審一次。由衛弁與州縣秉公。僉選家道殷實之丁。呈報衛守備知府驗看。具結詳解糧道定僉造冊請題。江南浙江由總漕題報。直隸山東江西湖北湖南由總督巡撫題報。凡隸軍籍之丁。不得冒填民籍。每屆編審之年。各衛所屯軍操軍。赤丁。舍丁。班軍。門軍。駕軍。什軍。綱軍。閒丁。黃快丁。除文學生員免其報僉外。其餘紳官貢監武生。與書吏官承俱一律僉選。該管官毋許以疲報殷。及賣富差貧諸弊。冊內註明各丁田地房產。如四年以內。家產稍有消乏。隨時另僉接

運。凡僉選之丁。俱令正身出運。再於兄弟子姪內。添設副丁一名隨運。每十船中擇有身家者立為什長。自領兌至沿途抵壩。皆責令監管。催募頭舵水手。亦責成衛所及運弁正丁。擇其身有家屬。撐駕諳練之人。取其冊結送道存查。凡旗丁運糧。過淮抵通無逾限。米數全完者。總漕賞給花紅。如額糧之外。三運多交米至一百石者。倉場咨部註冊。六運多交米至二百石。及出運十二年無掛欠。過犯者。均給與九品頂戴。官給以資。運弁除蘇松旗丁皆支行糧兼支月糧。俟一半本色。一半折色。亦有名本實折。與正糧一體在水次兌給。每船按十丁配運。給發錢糧。惟江南江淮興武二衛無贍運屯田。按十二丁給發。江西及江安之

安慶衛。按所載米數給發。凡行糧月糧本色。於三日內兌給。折色銀解送糧道。一半到淮放給。一半同別項錢糧沿途按段支發。外數多者。每船扣留三分之一。數少者。扣銀八兩。均於過淮時呈漕運總督查驗。交領運千總到通呈明。坐糧廳照數散給。以資回空。其例不過淮幫船。山東留銀三十兩。沿途支領。河南扣銀十兩。作回空之費。江南徐州衛江北幫。河南前後兩幫。廬州衛四幫。淮安衛四幫。宿州衛頭幫二幫。長淮衛二幫。鳳陽中衛三幫。均酌留三分之一。以資回空。山東糧道屬四衛一所十幫。千總二十人。除濟寧左右二幫。臨清衛山東前幫未設隨幫外。隨幫七人。旗丁六千四百六十人。每弁每丁行糧二石四斗。每丁月糧九石六斗。本色折色

俱在兌漕州縣及德州倉支給。河南糧道屬撥直隸天津所通州所二幫。山東德州衛左幫。任城幫。平山前幫後幫。臨清衛河南前幫後幫。江南徐州衛河南前幫後幫。千總二十人。隨幫十人。旗丁三千七百五十人。每弁每丁行糧二石四斗。每丁月糧九石六斗。行糧本色折色在河南道庫支給。山東幫在河南道庫及臨清倉坐糧廳支給。月糧本色折色直隸幫在通州倉給。江南幫在江安道庫支給。江安糧道屬江淮衛興武衛十八幫。千總三十六人。隨幫十八人。旗丁一萬八百三十六人。每弁每丁行糧三石。每丁月糧十二石。本色在南米及省倉米支給。折色在道庫支給。安慶衛兩幫。千總四人。隨幫二人。旗丁按載米三十石准給一丁。每弁每丁

行糧二石八斗。每丁月糧九石六斗。本色在安慶府支給。折色在道庫支給。新安衛宣州衛建陽衛鳳陽衛滁州衛長淮衛頭幫。千總十六人。隨幫八人。旗丁四千七百五十人。并長淮衛三幫四幫。千總四人。隨幫二人。旗丁七百二十人。輪兌常糧之年。每弁每丁行糧三石。每丁月糧九石六斗。本色在池州寧國太平各府屬及和州含山縣。江安道漕項米。淮揚鳳壽鎮等倉支給。折色在道庫。并揚徐鎮等倉支給。廬州衛頭幫。揚州衛三幫。大河衛前幫。千總六人。隨幫三人。旗丁一千五百九十人。并淮安衛頭幫二幫。泗州衛前幫後幫。千總八人。隨幫四人。旗丁二千九百人。輪兌淮糧之年。每弁每丁行糧二石八斗。每丁月糧十二石。本色在廬州府屬及道

庫支給。折色在道庫。及德州倉支給。廬州衛二幫三幫。揚州衛頭幫儀徵幫。大河衛二幫三幫。千總十二人。隨幫六人。旗丁四千一百人。并淮安衛頭幫二幫。泗州衛前幫後幫輪兌蘇糧之年。每弁每丁行糧三石。每丁月糧十二石。本色在廬州府屬揚鎮等倉支給。折色在道庫支給。長淮衛宿州頭幫。千總二人。隨幫一人。旗丁二百六十人。并長淮衛三幫四幫輪兌徐糧之年。每弁每丁行糧二石八斗。每丁月糧九石六斗。本色折色俱在道庫支給。淮安衛三幫。千總二人。隨幫一人。旗丁三百六十人。每弁每丁行糧二石八斗。每丁月糧八石。本色折色俱在江安道庫支給。淮安衛四幫。千總二人。隨幫一人。旗丁二百六十人。每弁每丁行糧三石。每丁月糧

九石。本色折色俱在蘇松江安二道庫支給。徐州衛江北幫。千總二人。隨幫一人。旗丁五百九十人。每弁每丁行糧二石六斗。每丁月糧九石六斗。本色折色俱在道庫支給。長淮衛宿州二幫。千總二人。隨幫一人。旗丁五百二十人。每弁與每歸并丁行糧二石八斗。每本幫丁行糧三石。每丁月糧十二石。本色折色在漕項下。及鳳陽倉德州倉支給。揚州衛二幫。千總二人。隨幫一人。旗丁五百八十人。每弁每丁行糧三石。每本幫丁月糧十二石。每歸併丁月糧九石六斗。本色折色俱在江安道庫支給。蘇松糧道屬蘇州衛太倉衛鎮海衛金山幫。千總十四人。隨幫七人。不支行糧。旗丁三千四百八十人。每丁行糧三石。月糧九石六斗。本色折色俱在蘇州府

屬軍儲屯糧銀米。及松江府屬編徵行月項下
支給。鎮江衛千總四人。隨幫二人。不支行糧。旗
丁一千七百四十人。每丁行糧二石九斗七升
五合。月糧九石五斗四合。在道庫支給。浙江糧
道屬七衛一所二十一幫。千總四十二人。隨幫
二十一人。旗丁一萬一千五十人。每弁每丁行
糧三石。每丁月糧九石六斗。本色在杭州嘉興
湖州三府屬支給。折色在道庫支給。江西糧道
屬三衛八所十三幫。千總二十六人。隨幫十三
人。旗丁六千三百八十人。行糧月糧以每正米
四百石為一淺。給每弁每丁行糧三十石。旗丁
月糧九十六石。在脚耗及裁減運漕折耗米內
給本色米一萬二千三百十二石有奇。餘支折
色。在過湖銀倉米銀屯糧銀內支給。湖北糧道

屬五衛一所三幫。千總六人。隨幫三人。旗丁一
千八百人。湖南糧道屬五衛三幫。千總六人。隨
幫三人。旗丁一千七百八十人。每弁每丁行糧
三石。每丁月糧九石六斗。俱支折色。江蘇抽運
白糧船三幫。千總六人。隨幫三人。不支行糧。旗
丁一千三百六十人。行糧月糧各隨本幫漕船
支給外。每石加給贈銀三錢四分七釐。飯米七
升二合。浙江白糧幫船。每石加給贈銀三錢七
分四釐。飯米折銀每船四十一兩一錢六分。在
道庫支給。山東德州衛正幫左幫。任城幫。每船
給贍軍銀十兩。德州衛在屯糧項下支給。任城
幫在地丁銀內支給。蘇松糧道屬蘇州鎮海太
倉三衛幫。每船給貼運銀二十兩有奇。金山幫
每船二十二兩有奇。凡幫船每隻載正米四百

石。如有多載。加給負重銀。山東江南浙江每加正米一石。給銀五分。江西給銀二錢二分五毫。凡漕糧截留停運之船。如未經兌開。給與減半月糧。已兌未開。加給三修銀兩。開行在途。除減半月糧。三修銀之外。加給幫費銀。山東河南每船五十兩。江南浙江每船六十兩。江西每船九十兩。湖北湖南。以屯田所入為津貼焉。各省衛每船七十兩。

按漕船額數。照畝編派。現運之丁。自行執業者。不徵津貼銀。其執田而不出運者。或係閒丁。與減船之丁。或向係軍民承種。或田地坐落各州縣。難以撥歸現運。均令輸津貼銀。由州縣衛所官徵解散給運丁。如運丁就近自向佃戶取租者。聽凡漕船裁減。原設之屯田。均派給本幫現

運之船。凡派給津銀。先將各丁自執之田。覈其多寡有無。通計每船原額田數為準。執田多者。津貼銀少。執田少者。津貼銀多。直隸通州天津二所屯田。每畝津貼銀三四分。至一錢不等。照數散給。山東東昌衛東昌幫濮州幫東平所東平幫屯田。均係現運之丁執業收租。濟寧衛前幫後幫屯田。每畝徵租銀五分。以四分五釐給本幫。以五釐給濟寧衛左幫右幫。臨清衛之山東後幫贍運。東昌衛平山前幫後幫無糧軍地。每畝津貼銀六分。有糧軍地。及軍民開墾地。每畝津貼銀四分。給現運之丁贍運。江安安慶衛淮安衛滁州衛揚州衛頭幫三幫儀徵幫屯田。俱係現運之丁執業收租。江淮衛興武衛向無贍運屯田。於各衛所歸併快丁之田額徵錢糧。

內。每銀一兩米一石。各徵津貼銀一錢。新安衛
宣州衛屯田。每畝津貼銀八分。建陽衛民屯
田。每畝津貼銀一錢二分。廬州衛屯田。每畝津
貼銀六分。鳳陽衛糧田。每畝津貼銀一分。屯田
正衛常州頭幫。每畝津貼銀三分五釐。前衛二
幫。每畝津貼銀三分七釐。後衛三幫。每畝津貼
銀二分。懷遠二幫。每畝津貼銀六分七釐。揚州
衛二幫屯田。除運丁執業外。減丁執業屯田。津
貼現運船丁銀一萬七千六百九十兩有奇。徐
州衛屯田。除運丁執業外。民戶及歸併衛閒丁
承種田。每畝津貼銀七分。正衛閒丁執業田。每
畝津貼銀二分。籍隸湖北省軍。共津貼銀一千
六百八兩有奇。泗州衛坐落本境屯田。每畝津
貼銀一分。坐落各屬屯田。每畝津貼銀一分一

釐六毫。典出運田。按正賦一兩。津貼銀五分五
釐。大河衛屯田。除運丁執業外。減丁執業田。每
畝津貼銀五釐八毫一絲。長淮衛糧田。每畝津
貼銀一分。運田。三幫每畝津貼銀一分六釐。四
幫每畝津貼銀一分八釐。宿州頭幫屯田。每畝
津貼銀九釐六毫有奇。二幫每畝津貼銀一釐
七毫及三分不等。蘇松蘇州衛屯田。運丁管業
收租。太倉衛屯田。除運丁執業外。每畝津貼銀
一錢。鎮海衛民人執業屯田。每戶津貼米五斗。
掛戶運田。每戶津貼銀二兩。攤歸屯田。每畝津
貼銀一錢。金山幫屯田。除運丁執業外。坐落上
海縣屯田。每畝津貼銀五錢五分八釐。坐落南
滙縣屯田。每畝津貼銀二錢。民人執業屯田。每
畝津貼市平色銀四錢。鎮江衛屯田。每畝交租

六斗。內坐落泰州甘泉縣泰興縣者每畝減租一斗二斗不等。浙江每船一隻派給屯田一項二畝八分有奇。杭州衛嘉興衛寧波衛俱運丁執業收租。其餘令衛所官徵解道庫給丁濟運。杭州衛坐落餘杭縣上中下屯田每畝津貼錢三百五十文至五百二十文不等。台州衛上中下屯田每畝津貼銀七分至一錢不等。温州衛本衛併派給寧波衛紹興衛處州衛上中下屯田每畝津貼銀四錢至七錢不等。衢州所屯田以一頃六分九釐零為一單。每單津貼銀九兩九錢五分。又通徵租折銀二百六十兩。嚴州所屯田每畝津貼銀一錢五分九釐有奇。屯地每畝津貼銀六分九釐有奇。江西屯田除完糧外官收餘租分給各丁。餘剩銀兩存公備用。南昌

衛上中下屯田地每畝徵銀三分至二錢二分不等。每船每運給銀五十五兩。袁州衛軍管屯田每畝徵銀一錢。民管屯田每畝徵銀一錢七分。屯地每畝徵銀四分至八分不等。每船每運給銀七十兩。贛州衛上中下屯田每畝徵銀四分八釐至二錢八分不等。又通徵米折銀九千三百六十三兩有奇。每船每運給銀二百八十八兩。信豐所軍管屯田每畝徵銀五錢。改歸田每畝徵銀八分。每船每運給銀四百十兩。會昌所屯田每畝徵銀二錢三錢不等。寄莊田每畝徵銀八分。每船每運給銀三百十兩。南安所屯田每畝徵銀二錢。給撫州所城軍濟運九江幫上中下屯田地每畝徵銀三分至二錢二分不等。每船每運給銀八十八兩。吉安所屯田每畝徵

銀一錢及三錢三分六釐不等。又徵租折銀四
十六十二兩有奇。每船每運給銀五十兩。又撥
給龍軍伍船屯田。運丁自管收租。永新所屯田。
徵租折銀五千五百六十八兩有奇。每船每運
給銀一百兩。安福所屯田。徵租折銀四千二百
十兩。每船每運給銀一百兩。撫州所上中下屯
田。每畝徵銀二分五釐至一錢六分不等。屯軍
每船每運給銀一百二十兩。城軍。每船每運給
銀八十八兩有奇。建昌所屯田。每畝徵銀一錢
七分。新墾屯田。每畝徵銀一錢。每船每運給銀
一百兩。廣信所上中下屯田地。每畝徵銀四分
至二錢五分不等。每船每運給銀一百十九兩。
弋陽縣貴溪縣船。每運給銀二百兩。鉛山所上
中下屯田地。每畝徵銀四分至三錢不等。每船

每運給銀二百六十兩。饒州所上中下屯田。每
畝徵銀二分五釐至一錢二分不等。每船每運
給銀六十兩。湖北屯田。除完正糧外。按糧石數
目徵收幫費銀。給丁濟運。武昌衛武左衛屯田。
正糧一石。運屯徵銀五錢。絕屯徵銀三錢。典賣
民戶屯糧。每石加徵銀一兩三錢。黃州衛正糧
一石。徵銀三錢五分。典賣民戶屯糧。每石加徵
銀一兩二錢。蘄州衛正糧一石。徵銀五錢四分。
典賣民戶屯糧。每石加徵銀一兩三錢。德安所
正糧一石。徵銀七錢三分二釐。典賣民戶屯糧
每石加徵銀一兩三錢。襄陽衛屯田。每畝徵銀
一分一釐。至三分三釐不等。典賣民戶屯糧。每
石加徵銀三分至七分不等。湖南屯田。除正餉
正糧外。按糧餉數目徵收運費銀。給丁濟運。沔

陽衛運田班田。正餉銀一兩。徵銀九錢二分。至一兩七錢三分不等。赤丁每名徵銀二兩四錢。每船每運給銀一百二十兩。荊州衛運田。每正餉銀一兩。徵銀一兩四錢三分有奇。操田每正餉銀一兩。徵銀一兩二錢一分九釐有奇。赤丁每名徵銀一兩七錢五分。枝江夔陵長寧遠安四所屯田。每畝徵銀二分六釐有奇。每船每運給銀二百兩。左衛屯田。每正糧一石。徵銀六錢四分六釐三毫有奇。每船每運給銀一百八十八兩。右衛運田。每正餉銀一兩。徵銀一兩四錢二分九毫有奇。操田每正餉銀一兩。徵銀一兩二錢七分五釐有奇。赤軍每名徵銀一兩三錢三分有奇。每船每運給銀一百六十兩。岳州衛屯田。運軍操軍按糧徵費。每船每運給運費銀一

百五十
兩有奇。



